

Na osnovu člana 23. Stav 2 tačka c) Statuta Brčko Distrikta BiH ("Službeni glasnik Brčko Distrikta BiH", broj 1/00) i člana 45 Poslovnika Skupštine Brčko Distrikta BiH ("Službeni glasnik Brčko Distrikta, broj 1/00), Skupština Brčko Distrikta na 28-0j sjednici održanoj 05. oktobra 2001. godine, usvaja

ZAKON O PEČATU BRČKO DISTRIKTA BOSNE I HERCEGOVINE

I OSNOVNE ODREDBE

Član 1.

U vršenju poslova iz svog djelokruga organi i institucije Brčko Distrikta Bosne i Hercegovine koriste pečate čiji se oblik i izgled kao i njegova upotreba utvrđuju ovim zakonom.

Član 2.

(1) Pečatom organa i institucija Brčko Distrikta Bosne i Hercegovine, potvrđuje se autentičnost službenih dokumenata, javnih isprava i drugih akata organa i institucija Brčko Distrikta Bosne i Hercegovine i koristi se u skladu sa ovim Zakonom.

(2) Pečat se stavlja sa lijeve strane pored potpisa ovlašćenog lica za potpisivanje službenih akata.

Član 3.

(1) Pečat ima oblik kruga i sadrži tekst: Bosna i Hercegovina, Brčko Distrikt Bosne i Hercegovine i naziv organa i naziv institucija ispisan ćirilničnim i latiničnim pismom, a u skladu sa Statutom Brčko Distrikta BiH, s tim da su oba naziva u obliku koncentričnih krugova koji neposredno okružuju grb Bosne i Hercegovine, koji se nalazi u središtu pečata.

(2) Pečat se izrađuje u dvije veličine promjera 50 odnosno 40 mm.

Član 4.

Pečat Brčko Distrikta Bosne i Hercegovine (u daljem tekstu: pečat) imaju:

- Brčko Distrikt Bosne i Hercegovine,
- Skupština Brčko Distrikta,
- Gradonačelnik Brčko Distrikta,
- Odjeljenja – Odjeli Vlade Brčko Distrikta,
- Pravosudna komisija Brčko Distrikta,
- Komisija za pravnu pomoć Brčko Distrikta,
- Sudovi Brčko Distrikta, Javno tužilaštvo Brčko Distrikta, Policija Brčko Distrikta, Uprava prihoda Brčko Distrikta Bosne i Hercegovine,
- Drugi organi i institucije kada vrše poslove uprave Distrikta koje im povjeri Brčko Distrikt Bosne i Hercegovine.

Član 5.

Pečatom može rukovati i upotrebljavati samo ovlašćeno lice i to u službene svrhe određene Zakonom i drugim pripisima.

II PEČAT BRČKO DISTRIKTA

Član 6.

(1) Pečat Brčko Distrikta Bosne i Hercegovine stavlja se na originalni tekst zakona i originalne tekstove drugih akata koje odredi zakon.

(2) Pečat Brčko Distrikta Bosne i Hercegovine ima oblik kruga sa promjerom 50 mm, sa tekstom: "Bosna i Hercegovina, Brčko Distrikt Bosne i Hercegovine".

(3) Pečat Brčko Distrikta čuva se u Skupštini Brčko Distrikta, a za njegovu upotrebu odgovoran je šef Stručne službe Skupštine Brčko Distrikta.

III PEČAT ORGANA I INSTITUCIJA

Član 7.

(1) Pečat Skupštine Brčko Distrikta, Gradonačelnika Brčko Distrikta i Pravosudne komisije Brčko Distrikta ima promjer 50 mm, a pečat Odjeljenja – Odjela Vlade Brčko Distrikta, Sudova Brčko Distrikta, Javnog tužilaštva Brčko Distrikta, Policije Brčko Distrikta, Uprave prihoda Brčko Distrikta i drugih organa i institucija, kada vrše poslove uprave Distrikta koje im povjeri Brčko Distrikt ima promjer 40 mm.

(2) Pečat organa i institucije (pododjeljenja, službi, ispostava i slično) čije je sjedište van sjedišta organa i institucije kome pripada, sadrži mjesto njegovog sjedišta.

Član 8.

(1) Organi i institucije iz člana 7. ovog zakona mogu imati i pečat manjeg promjera, 25 mm (u daljem tekstu: mali pečat) radi potvrđivanja legitimacija, putnih isprava, finansijskih i drugih dokumenata, gdje upotreba većeg pečata nije podesna.

(2) Mali pečat ima istu sadržinu kao i pečat iz prethodnog člana, s tim što tekst može biti skraćen, ali tako da se jasno vidi čiji je pečat.

Član 9.

(1) Organi i institucije imaju samo jedan pečat sa promjerom od 50 mm, odnosno 40 mm, i jedan mali pečat sa hemijskom bojom i jedan sa otiskom u pečatnom vosku.

(2) Zbog organizacije rada, mogu imati više takvih pečata o čemu odlučuje Gradonačelnik Brčko Distrikta.

(3) Ako organ ili institucija ima više pečata iste veličine, pečati moraju biti istovjetni po sadržaju i svaki ispod grba označen arapskim brojem.

Član 10.

U skladu sa zakonom i drugim propisima organi i institucije mogu imati pečat za suhi otisak na određenim službenim aktima.

IV UPOTREBA PEČATA

Član 11.

Pečat organa i institucija Brčko Distrikta ne može se koristiti kao zaštitni ili uslužni žig, uzorak ili model, niti kao bilo koji drugi znak za obilježavanje robe i usluga.

Član 12.

Pečat organa i institucije Brčko Distrikta ne može se upotrebljavati ukoliko je oštećen ili svojim izgledom nepodoban za upotrebu i kao takav će se povući iz upotrebe.

Član 13.

Odredbe člana 11. i 12. odnose se i na mali pečat.

V KAZNENE ODREDBE

Član 14.

(1) Novčanom kaznom u iznosu od 30.000 KM kazniće se za prekršaj pravno lice koje neovlašćeno izradi pečat, a odgovorno lice pravno lice novčanom kaznom do 5.000 KM.

(2) Novčanom kaznom u iznosu od 5.000 KM kaznit će se za prekršaj fizičko lice koje neovlašćeno izradi pečat.

Član 15.

Novčanom kaznom u iznosu od 5.000 KM kazniće se odgovorno lice u organu, odnosno instituciji ako ne dostavi na uništenje dotrajalih pečata ili ako na propisan način ne oglasi nestali pečat, kako je utvrđeno podzakonskim aktom.

VI ZAVRŠNE ODREDBE

Član 17.

(1) Gradonačelnik Brčko Distrikta odgovoran je za regulisanje izrade, čuvanje, uništenja pečata, kao i za vođenje evidencije o pečatu institucija Brčko Distrikta Bosne i Hercegovine.

(2) Podzakonska akta kojim će se regulisati pitanja iz prethodnog stava Gradonačelnik Brčko Distrikta donijeće u roku 60 dana od dana stupanja na snagu ovog Zakona.

(3) Nadzor nad radom ovlaštene pečatoreznice u pogledu izrade pečata, vršiće Policija Brčko Distrikta.

Član 18.

Organi i institucije koje imaju pravo na pečat Brčko Distrikta Bosne i Hercegovine dužni su da u roku od 60 dana stupanja na snagu ovog zakona usklade svoje pečate, sa odredbama ovog zakona.

Član 19.

Ovaj Zakon stupa na snagu 8 dana od dana objavljivanja u "Službenom glasniku Brčko Distrikta Bosne i Hercegovine".

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТ

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKT

Broj:0-02-022-419/01
Brčko,05.oktobar 2001. godine

PREDSJEDNIK
SKUPŠTINE BRČKO DISTRIKTA
Mirsad Đapo,dipl.pravnik